

Cofnodion drafft cyfarfod cyffredin y Cyngor a gynhaliwyd yng Ngholeg Llysfasi, Rhuthun, nos Lun, 30 Hydref am 7:30pm. Yn anffodus, oherwydd problemau technegol yn Llysfasi, nid oedd Zoom yn gweithio.

PRESENNOL – Y Cyngorwyr Jayne Mayers [Cadeirydd], Shaun Williams, Huw Edwards, David Baker, Simon Knight Saunders, Owen Evans ac Eilir Jones.

Hefyd yn bresennol roedd Samuel Jones, aelod o Bwyllgor Safonau Cyngor Sir Ddinbych, y Cyngorydd Sir Hugh Evans a'r Clerc a Swyddog Ariannol Cyfrifol, Sian E Thomas.

Rhan 1

Dechreuodd y cyfarfod am 7:30pm.

1092. Croesawodd y Cadeirydd bawb i'r cyfarfod.
1093. **Cafwyd munud o dawelwch** i gofio am y diweddar Glerc, Eirwen Godden, fu farw ar 9 Hydref 2023. Bu'n Glerc i Gyngor Cymuned Llanfair o fis Gorffennaf 2016 tan fis Mehefin 2022, pan benderfynodd ymddeol oherwydd gwaeledd iechyd. Daeth Eirwen yn Glerc wedi i'r Clerc blaenorol farw'n sydyn a llywiodd y Cyngor drwy gyfnod anodd iawn, ac roedd hi'n wybodus ac yn rhesymegol iawn. Bydd colled mawr ar ei hôl ymhlith Cyngorwyr a thrigolion fel ei gilydd.
1094. **Ymddiheuriadau** – derbyniwyd ymddiheuriadau gan y Cyngorwyr Osian Owen, Keith Mouldsdale a Ceri Ranson ac hefyd gan Darren Millar AS, a oedd wedi gobeithio bod yn y cyfarfod.
1095. **Datgan buddiannau.** Datganodd y Cadeirydd fuddiant personol yn eitem 1106c.
1096. **Sesiwn Cyfranogiad Cyhoeddus.** Nid oedd unrhyw aelodau'r cyhoedd yn bresennol.
1097. **Cytuno ar a llofnodi cofnodion y cyfarfod cyffredin a gynhailwyd ar 2 Hydref 2023**
Yn dilyn ystyried y cofnodion, cytunodd y Cyngor eu bod yn gofnodion cywir ac y dylai'r Cadeirydd eu llofnodi.
1098. **Materion yn codi o'r cofnodion:**
 - a. Mae'r Clerc wedi anfon neges e-bost i Ysgol Llanfair yn gofyn a fyddai'n bosibl gosod hysbysfwrdd y Cyngor ar ffens yr ysgol. Ni dderbyniwyd ateb hyd yma, er gwaethaf mynd ar ôl y mater.
 - b. Archebwyd torch gan y Lleng Brydeinig i'r Cadeirydd ei gosod ar Sul y Cofio ac throsglwyddwyd cyfraniad o £200 i'h sefydliad.

- c. Mae'r Clerc wedi rhoi'r datganiad i'r wasg am yr ymgynghoriad ynghylch statws Parc Cenedlaethol arfaethedig ar y wefan.
- d. Mae'r Clerc wedi cysylltu ag Ysgol Pentrecelyn ac Ysgol Llanfair ynghylch y diffibrilyddion.

1099. **Cynlluniau Hyfforddiant y Cynghorwyr**

Nodwyd fod y Cynghorwyr yn parhau i wneud hyfforddiant ac y dylent gysylltu gyda'r Clerc os ydynt yn dymuno archebu lle ar unrhyw gyrsiau. Bydd y Cadeirydd a'r Is-gadeirydd yn mynd ar gwrs hyfforddiant ynghylch Cadeirio Cyfarfodydd a drefnir gan Gyngor Sir Ddinbych fis nesaf.

1100. **Awr Sero – Bil yr Hinsawdd ac Ecoleg.** Yn dilyn ystyried y cynnig drafft, y mae angen penderfynu arno cyn 24 Tachwedd, **penderfynwyd:** ymrwmo i hyn gan ei fod yn cyd-fynd yn dda gyda llawer o'r gwaith sy'n cael ei wneud gan y Cyngor ar hyn o bryd. **Gweithred:** Y Clerc i'w roi ar y wefan ac anfon neges e-bost at David Jones AS.

1101. **Poliisiau.** Protocolau Datrysiadau Lleol. Yn dilyn darllen y ddogfen a gynhyrchwyd gan Un Llais Cymru, **penderfynwyd:** mabwysiadu'r protocol gan y Cyngor. **Gweithred:** Y Clerc i'w roi ar y wefan.

1102. **Cae Chwarae Llanfair DC**

- a. **Diweddariad am y sefyllfa gyfredol.** Yn dilyn llawer o ymholiadau gan drigolion lleol, datganodd y Cadeirydd y derbyniwyd grantiau gan Cadw Cymru'n Daclus, Ymddiriedolaeth, Fitzwilliam a'r Loteri. Yn anffodus, oherwydd sylwadau niweidiol gan rai aelodau'r cyhoedd roedd y grant gan Cadw Cymru'n Daclus wedi'i oedi nes y derbynnir cadarnhad ynghylch caniatâd cynllunio, os oes angen hynny, ar gyfer yr offer chwarae. Efallai na cheir hyn tan y flwyddyn ariannol nesaf.
- b. **Coed.** Mae'r gwaith angenrheidiol ar y coed ar fin dechrau, y cyfan wedi derbyn y caniatâd cynllunio priodol gan Gyngor Sir Ddinbych, ym mis Tachwedd 2023. Hefyd bwriedir gofyn i'r contractwr dorri'r gwrychoedd o amgylch y cae, fel y cytunwyd gydag Adran Cynllunio Cyngor Sir Ddinbych. Ymgynghorwyr gydag arbenigwr coed ffrwythrau ynghylch tocio'r coed afalau.
- c. **Caniatâd Cynllunio.** Mae Swyddogion Cynllunio Cyngor Sir Ddinbych wedi edrych ar y cynllun a gyflwynwyd gan un cwmni offer chwarae ac wedi cadarnhau na fydd angen caniatâd cynllunio ar gyfer yr offer chwarae arfaethedig. Unwaith y bydd dyfynbrisiau eraill wedi'u derbyn bydd y cynllun terfynol yn cael ei

anfon i'r Adran Cynllunio. **Gweithred:** Mae'r Clerc yn mynd i lenwi Tystysgrif Defnydd neu Ddatblygiad Cyfreithlon.

- d. Mae'r **adroddiad ecoleg** wedi'i gwblhau gan gwmni preifat a bydd yn cael ei gyflwyno i ni ym mis Tachwedd.
- e. Nid oedd yn bosibl symud y **polyn Scottish Power** oherwydd bod angen offer mwy sylweddol i'w godi a'i symud. Bydd yn cael ei symud ynghanol mis Tachwedd yn awr.
- f. **Yr Elusendai.** Mae'r Cyngor wedi derbyn dogefnnau y mae'n ofynnol eu llofnodi er mwyn sefydlu elusen newydd er budd y gymuned yn dilyn gwerthu'r Elusendai. Mae angen tri ymddiriedolwr i ddechrau i sefydlu'r elusen, a fydd yn gynrychiolwyr o Grŵp Cynefin, Cyngor Sir Ddinbych a Chyngor Cymuned Llanfair DC. Nodwyd fod cyfreithwyr Grŵp Cynefin a chyfreithwyr Cyngor Sir Ddinbych wedi craffu ar y dogfennau. Nodwyd ei bod yn biti fod Llanfair DC yn colli saith bwthyn bach i'r rhai mewn angen, ond bydd Cyngor Sir Ddinbych yn darparu llety amgen. **Gweithred:** Y Clerc i gysylltu â Grŵp Cynefin i holi am statws y Gofeb ac am gadarnhad nad oes ymrwymiad ariannol ar y Cyngor o fod yn ymddiriedolwr. Bydd yr elusendai a'r hen ysgol yn cael eu rhoi ar y farchnad yn fuan.

1103. **Materion Priffyrdd a'r Amgylchedd**

a. **Pryderon am oryru.**

Roedd y Cadeirydd wedi hysbysu Cyngor Sir Ddinbych bod dwy set o arwyddion 30 milltir yr awr yn parhau i fod mewn parth 20 milltir yr awr ym Mhentrecelyn. Fe'i hysbyswyd fod Cyngor Sir Ddinbych yn aros i Lywodraeth Cymru gynnal arolwg cyn eu newid gan nad ydynt wedi nodi'r holl arwyddion y mae angen eu newid eto.

Gweithred: Y Clerc i holi Cyngor Sir Ddinbych am statws cyfreithiol yr arwyddion 30 milltir yr awr yn yr ardal.

- b. Dywedodd y Cynghorydd Hugh Evans ei fod wedi teithio drwy'r ardal gyda staff yr Adran Priffyrdd a bod angen mewnbwn gan y Cyngor Cymuned ynghylch unrhyw broblemau yn yr ardal. Dywedodd fod Cyngor Sir Ddinbych yn mynd i ymdrin â'r ardal y tu allan i Gapel Salem. Nodwyd fod angen glanhau'r gwlliau a ganlyn:
 - i. Pentrecoch i fferm y Graig
 - ii. Mae angen glanhau oddeutu saith gwli yn yr ardal o gwmpas Gorffwysfa
 - iii. Yr ardal o amgylch Graigfechan ger Tywysog Bach
 - iv. Llysfasi ble mae pibell wedi dymchwel.
 - v. Lôn Bryn Coch, ble mae'r manau y clytiwyd y tarmac yn golchi ymaith yn y llifogydd
 - vi. Y lôn o'r Hen Swyddfa Bost i Hirdir ym Mhentrecelyn.

Nodwyd fod yr afon yn Llanfair i gyfeiriad Plas Einion wedi'i chloddio a'i ffensio. Gwnaed sylwadau fod ardaloedd clytio tarmac yn golchi ymaith pan fydd yn glawio, felly nid yw'n ddefnyddiol.

Gweithred: Y Clerc i gysylltu â Chyngor Sir Ddinbych i hysbysu am yr holl faterion.

1104. **Materion Cyllid**

a. Cyflwynodd y Swyddog Ariannol Cyfrifol ddiweddariad am y sefyllfa bancio a'r tasgau ariannol.

b. Cyflwynodd y Swyddog Ariannol Cyfrifol Rhestr Taliadau mis Hydref hyd yma, a chytunodd y Cyngorwyr i wneud yr holl daliadau.

Dyddiad	I	Swm	Sylwadau
17/10/2023	AVOW	£631.60	Cyflog mis Hydref y Clerc, treuliau mis Medi a chostau cyflogres
20/10/2023	Y Lleng Brydeinig	£200.00	Cyfraniadau 2022/23 a 2023/24
21/10/2023	HSBC	£5.00	Ffi bancio mis Medi
Cyfanswm		£836.60	

c. Y Gyllideb. Roedd y Clerc wedi dosbarthu copi o'r gyllideb ar gyfer 2023/24 a'r symiau a wariwyd hyd at 30 Medi 2023.

d. Archwilio Allanol. Mae'r Cyngor yn falch o gyhoeddi ei fod wedi derbyn cadarnhad gan Archwilio Cymru o'r diwedd y craffwyd ar gyfrifon 2020/21 a 2021/22 a chyhoeddwyd eu bod yn Ddiamod. Nodwyd na dderbyniwyd anfonebau gan Archwilio Cymru ers tair blynedd. Ni dderbyniwyd canlyniadau archwilio cyfrifon 2022/23, er bod yr Archwilydd wedi anfon Hysbysiad Cwblhau'r tri archwiliad. Bydd hyn yn cael ei roi ar y wefan unwaith y bydd yr archwiliad diweddaraf wedi'i gwblhau.

e. Bancio moesegol. Roedd y Cyngorwyr wedi astudio'r wybodaeth am [Unity Trust Bank](#) a **phenderfynwyd:** y dylai'r Clerc agor cyfrif gyda nhw a chau cyfrifon y Cyngor gyda'r HSBC.

f. **Penderfynwyd:** Newid y swm a gynhwysir yn Rheolau Sefydlog a Rheoliadau Ariannol y Cyngor fel bod yr isafswm yn cynyddu o £3,000 i £5,000 cyn bod angen tri dyfynbris wrth brynu nwyddau a gwasanaethau, yn unol â chynghorau eraill a chostau'n cynyddu.

Gweithred: Y Clerc i'w diweddarau, eu dosbarthu i'r Cyngorwyr a'u rhoi ar y wefan.

g. Cais gan yr Eglwys am gyfraniad tuag at dorri glaswellt.

Penderfynwyd: gwneud cyfraniad o £250 i'r eglwys. **Gweithred:** Y Clerc i wneud hyn. Nodwyd fod y Cyngor Cymuned yn parhau i aros am dystiolaeth gan yr Eglwys mai'r Cyngor Cymuned sy'n gyfrifol am gynnal y wal o amgylch yr eglwys. **Gweithred:** Y Cyngorwyr D. Baker i ymchwilio i hyn.

1105. **Cynllunio.** Ni chyflwynwyd unrhyw geisiadau i'w trafod y mis hwn.
1106. **Gohebiaeth i'w adolygu**
- a. Nodwyd fod Phil Burrows o Gyngor Sir Ddinbych wedi anfon rhagor o wybodaeth i'r Cyngor gan fod Prosiect Gigabit wedi'i ymestyn i saith mlynedd. Mae wedi gofyn i'r Cynghorwyr ei hysbysu os ydynt yn gwybod am unrhyw un â diddordeb mewn gwella eu cysylltiad rhyngwyd.
 - b. Grant Twf Economaidd. Nodwyd fod Coleg Llysfasi wedi gorfod tynnu eu cais yn ôl ac mae'n chwilio am ffrydiau cyllido eraill.
 - c. Bydd ail ran Adolygiad y Gwasanaeth Adfer a Throsglwyddo Meddygol Brys ynghylch sut i wella'r Gwasanaeth Ambiwylans Awyr yng Nghymru – a ddarperir mewn partneriaeth rhwng elusen Ambiwylans Awyr Cymru a Gwasanaeth Adfer a Throsglwyddo Meddygol Brys Gwasanaeth Iechyd Gwladol Cymru rhwng 9 Hydref a 5 Tachwedd 2023 i gael adborth y cyhoedd.
 - d. Mae Adroddiad Blynyddol drafft Panel Annibynnol Cymru ar Gydnabyddiaeth Ariannol yn datgan fod rhaid talu £150 y flwyddyn i gynghorwyr am weithio o adref ynghyd â £52 am bapur a nwyddau swyddfa ac ati, neu i gael eu had-dalu am eu gwir wariant. Derbyniwyd cadarnhad gan Gyllid a Thollau Ei Mawrhydi na fydd treth yn ddyledus ar y taliadau hyn. **Gweithred:** Gofynnwyd i'r Cynghorwyr hysbysu'r Clerc a ydynt yn dymuno hawlio eu treuliau neu optio allan o'u derbyn.
1107. **Eitemau y tynnwyd sylw'r Cynghorwyr atynt**
- a. Hysbysodd y Cyngorydd Knight Saunders y cyfarfod nad yw'r tanc dŵr yng Nghae Mair wedi'i adael ar agor yn ddiweddar a'i bod yn ymddangos bod giatiau newydd wedi'u gosod dros y tanc. **Gweithred:** Y Cyngorydd E. Jones i gymryd golwg ar y tanc hefyd.
 - b. Nodwyd nad yw'r giât mochyn yng Nghae Mair wedi'i adnewyddu. **Gweithred:** Y Clerc i gysylltu â Chyngor Sir Ddinbych i ofyn pryd y bydd yn cael ei adnewyddu.
 - c. Mae tafarn y Three Pigeons, Graigfechan, wedi rhoi datganiad ar y cyfryngau cymdeithasol yn dweud nad yw'n cau.
 - d. Bu'r Cyngorydd Baker mewn ymgynoriad ynghylch y Parc Cenedlaethol arfaethedig a hysbysodd y cyfarfod y bydd y prif ymgynghoriad yn digwydd y flwyddyn nesaf. Mae'r ardal arfaethedig yn ymestyn o Brestatyn i Lanfyllin. Cytunwyd nad yw'r broses wedi'i thrin yn dda gan Lywodraeth Cymru a pham newid o

fod yn Ardal o Harddwch Naturiol Eithriadol? Os yw'n bwrw ymlaen yna bydd angen rhyddhau mwy o gyllid ar gyfer llwybrau troed, arwyddion ac ati.

1108. Cytunwyd y byddai cyfarfod nesaf y Cyngor yn cael ei gynnal ar 4 Rhagfyr 2023 yng Ngholeg Llysfasi am 7:30pm.
1109. **Penderfynwyd: Trafod yr eitem a ganlyn yn Rhan 2, gan eithrio'r Wasg a'r Cyhoedd.**
1110. **Dyfnbrisiau offer chwarae**
Ni dderbyniwyd unrhyw ddyfnbrisiau eraill. **Gweithred:** Y Clerc i fynd ar ôl hyn eto a gwirio gyda'r Loteri i weld a oes angen tri dyfnbris. Os felly y Clerc i roi hysbyseb ar Gwerthwch i Gymru. Mae angen dyfnbris newydd bellach ar gyfer y gwaith tir dechreuol. **Gweithred:** Y Clerc i gael dyfnbrisiau.

Gorffennodd y cyfarfod am 9: 30pm.

CADEIRYDD

DYDDIAD